



1842 йили маърифатпарвар шоира Нодирабегим Бухоро амири Насруллохон томонидан икки фарзанди ва 14 ёшли набираси билан бирга катл этилади. Айтиш керакки, Нодирабегим ва Насрулло киёфасида жаҳолат ва маърифат тўқнаш келди. Ўз замонасининг илгор фикрли зиёлиси бўлган Нодирабегим миллат халовати ва адолатни пеша килган амирдан, табиийки, нафратланар эди. Шу боис амир Нодирабегимни Кўкон хонлигига энг хавфли душманларидан бири, деб билганди. Аммо Насруллохон шоирани тўғридан-тўгри катл этолмасди. Шунинг учун, катл воеаси учун йўлдан адашган Мухаммадалихоннинг хатоларини асос килиб олишга уринди. Баъзи кимсалар эса бунинг учун унга ёрдам бердилар. Уйлаб топилган баҳоналар ўз навбатида амирнинг Хонпошшаойим учун келганига хам асос бўла олади.

1822 йили отаси Умархоннинг вафотидан кейин таҳтга ўтирган Мухаммадалихон хокимиятни онаси билан бирга бошкаришга киришади. Лекин у онасининг йўригига кирмайди. Содик одамларидан осонликча воз кечиб, ёмонлар билан ошно бўлган тўнгич ўғил машшатпастлик йўлини тутиб, онасига муттасил азоб беради. Кўп бузук ишларни килган Мухаммадалихон истеъододли укаси Султонмаҳмудхоннинг хокимиятни тортиб олишидан кўркиб, Шахрисабзга жўнатиб юборади. Нодирабегим бу воеадан жуда каттик изтироб чекади. Лекин Мухаммадалихон онасининг бу изтиробларига парво хам килмайди, аксинча, аянчли окибатини ўйламай базмлар уюштиришда давом этаверади. Амир Умархоннинг вафотидан кейин кўпроқ Султонмаҳмудхонга суюниб колган Нодирабегим учун ижод килишдан бошка бирон-бир чора ва суюнчик топилмайди... Нодирабегим, аввало, маърифатпарвар сифатида амир Насруллонинг килмишларини хамиша кузатиб турган. Бирок у амирнинг бунчалар шафкатсизлик килишини кутмаган бўлса керак. Чунки Насруллохон Нодирабегимни катл этишда беражи жаллодларга хос бир йўлни тутди. Киска вакт ичida етарлича ганим орттиришга улгурган Мухаммадалихоннинг душманлари у ҳакда "Иккита тугишган синглиси бўлгани холда ўгай онасига уйланибди", деб игво таркатадилар. Натижада Мухаммадалихонга каттик айблов кўйишади. Аслида эса, Хонпошшаойим Мухаммадалихоннинг ўгай онаси эмасди. Хонпошшаойим гарчи амир Умархоннинг саройидаги канизаклар каторида юрган

бўлсада, амир Умархон у вояга етмасданок оламдан ўтганди.

Хуллас, Бухоронинг Кўкондаги элчиси Мухаммадалихон кофир деб эълон килинган фатвони амир Насруллога келтириб беради. Бухоро амири ва Кўкон хони ўртасида жанг бўлиб ўтади. Жанг да Мухаммадалихон енгилиб, амирга тобелигини тан олишга мажбур бўлади. Галаба килган амир Ўратепа, Корачукум ва Кўкон шахарларини Нодирабегимнинг иккинчи ўгли Султонмаҳмудхон ихтиёрига ўтказади. Бирок амир Бухорога кайтгач, Нодирабегим ўгиллари орасини ислох килади. Натижада Мухаммадалихон Тошкентни хам укасига беради. Истилоҳ воқеасидан кўп ўтмай Мухаммадалихоннинг навбатдаги хатолари туфайли Кўконда яна кўзголон кўтарилади. Кўкондаги уламолар ўзларининг халоскори бўлган Бухоро амирини яна Кўконга чакирадилар. Шундай килиб, баъзилар амир Насруллога Нодирабегимни катл этиш учун имконият яратиб берадилар. Ака-уканинг ўзаро келишувини эшитган амир яна Кўконга кайтади. Унинг бостириб келаётганидан хабар топган Мухаммадалихон суюкли хотини Хонпошшаойим ва болалари билан бош олиб кетмокчи бўлади, лекин кошишга улгурмайди.

Амир Насрулло Кўконга бостириб кирган пайтда Мухаммадалихон хон эмас, балки оддий фукаро эди. У амирнинг биринчи боскинидан кейин, яъни 1841 йилнинг ноябр ойида тахтдан бутунлай воз кечиб, хонликни укаси Султонмаҳмудхоннинг ихтиёрига топширганди. Хўш, буни яхши билган амир Насрулло нима учун айнан Мухаммадалихонни таъкиб остига олди? Айрим тарихчилар Мухаммадалихон хокимият ишига аралашган бўлса керак, деб тахмин килишади. Бирок Мухаммадалихоннинг Хонпошшаойимни олиб кошишга бунчалик харакат килиши асоссиз бўлмаса керак. У вакт тигиз бўлишига карамасдан, Маргилонда икки кун колиб кетди. Бу бежиз эмас, албатта. Хотинини каттиқ севган Мухаммадалихон амирнинг ниятидан хабардор бўлган. У хотинини амирга топшириб кўйишни истамаган. Бундан кўринадики, Насруллонинг Мухаммадалихонни таъкиб килишига сабаб айнан Хонпошшаойим бўлган. Мухаммадалихоннинг катл этилишига эса унинг кофир деб эълон килингани тўгрисидаги фатво баҳона бўлди. Ушбу фатво чиндан хам Мухаммадалихонни катл этиш ва унинг гўзал хотинига эга чикиш хамда бошка максадларига эришиш учун халойикнинг кўз ўнгидаги етарлича асос яратарди. Шу ерда бир савол тугилади. Унинг мантикий жавоби эса воқеани янада ойдинлаштиради. Мухаммадалихон 1841 йил кофир деб эълон килинган эди. Амир ўшандан кейин Кўконга биринчи бор бостириб келди. Хўш, Мухаммадалихон кофир бўлган экан, у нима учун ўша пайтда жазоланмасдан, айнан олти ойдан кейин катл этилди? Вахоланки, у энг оғир гунохларни тахтдан воз кечгунига кадар содир этганди. Орадаги олти ой хакида ўйлар экансиз, амирнинг Хонпошшаойим учун келгани хакидаги маълумотни инкор килолмайсиз. Агар амир Хонпошшаойимни Бухорога олиб келмаганида эди, бундай деб ўйлашимизга балки асос тугилмаган бўларди. Демак, Насруллохон Кўконга бир эмас, бир неча максад билан келган. Унинг максадларига гов бўладиган ягона душман Нодирабегим эди.

Эри билан кошишга рози бўлмаган Хонпошшаойимнинг кисмати хам аянчли кечган. Кизиги шундаки, Кўконни босиб олган Насруллохон анъанага кўра Хонпошшаойимни Бухорога олиб кетиши тайин эди. Мухаммадалихоннинг ахволини кўриб турган Хонпошшаойим буни яхши билган. Хўш, буни била туриб, нега эри билан кошишга рози бўлмади? Энди савол тугилади. Хонпошшаойим кўп аёллар билан майшат килган Мухаммадалихондан балки шу тарика ўч олмокчи бўлгандир? Балки, у кўз ўнгидаги бор-будидан айрилган Мухаммадалихондан воз кечиб, амир Насруллонинг саройида

малика бўлишни истагандир? Нима бўлганда хам, Хонпошшаойим уни аянчли кисматдан асраб колиши мумкин бўлган эри билан кошишга рози бўлмайди.

Шундан кейин мудхиш катл бошланади. Маргилонда кўлга тушган Мухаммадалихонни Кўконга - голиб амирнинг олдига олиб келишади. Амир ва хон ўртасида киска савол-жавоб бўлиб ўтади. Амирнинг буйруги билан Мухаммадалихон катл этилади. Тўнгич ўгли катл этилаётган пайтда Нодирабегимнинг канчалар оғир мусибат остида колганини тасаввур килиш мумкин. Амир эса Нодирабегимни аввал руҳан азоблаб, заифаларча фарёд килишини кутади. Бирок Мутриб таъбирича, "мардлик ва олижаноблик бобида юз эрдин яхширок" бўлган Нодирабегим бехад азоб чекаётганига карамасдан фарёд солмайди. Буни кўрган амир шоиранинг иккинчи ўглини хам ўлимга хукм килади.

Мутрибнинг "Шохномаи девона Мутриб" асарида келтирилишича, ёш ва умидли шахзода Султонмаҳмудхон жаллодлардан шафкат сўраб нола килган пайтда хатто жаллодларнинг хам кўзларида ёш калкийди. Аммо улар таассуф билан амирнинг амри вожиб эканлигини айтиб, шахзодани катл килишади.

Нодирабегим иккинчи фарзандининг катлидан кейин телбavor бир хушсиз холатга тушади. Насрулло эса онаизорнинг хушидан кетишини фарёд килишини кутган эди. У кутгандек бўлмайди. Бундан газабланган амир Нодирабегимнинг 14 ёшли набираси Мухаммадамихонни хам катлга буюради. Нихоят, шоира фарёд солади... У амирнинг жамики ёвузликларини юзига айтиб, лаънатлади. Туганмас дардларига малхам ўрнига ўлимни ихтиёр этади. Нодирабегим аслида бу фарёди билан разолатга карши исён кўтарган эди. Амир Насрулло эса жаҳолат галабасини тасдиклаш учун Нодирабегимни хам жаллодлар кўлига топширади...

Шоира жаҳолатга карши чиккани учун катл этилди. Котиллар бунинг учун шоиранинг ўгли Мухаммадалихондан фойдаландилар. Унинг гўзал хотини Хонпошшаойим хам унга бир баҳона бўлди. Хуллас, Бухоро амири Насруллоҳон маърифатпарвар шоирдан жаҳолатнинг ўчини олди. Бирок жаҳолат устидан маърифат тантана килди.

Нодирабегим колдирган мерос хали хамон халкимиз маънавиятини бойитишга хизмат килмокца.

Иzzat AHMEDOV тайёрлади.